

瓊州府志

八

瓊州府志卷之二十九

官師志一宣續上 漢 三國吳 隋 唐 宋 元

漢

路博德西河平周人初爲右北平太守元狩四年以功封邳離侯遷衛尉元鼎五年南越

叛乃以博德爲伏波將軍同楊僕往討之師分五路博德次於桂楊下湟水與僕會番

禺粵素聞伏波名皆降於博德黃通志呂嘉建德與其屬數百人亡入海伏波因問所得

降者以知呂嘉所之遣人追之史記尉佗傳六年十月得呂嘉首遂定越地以爲南海蒼梧

鬱林合浦交趾九真日南珠崖儋耳郡漢書武帝紀論功博德仍舊侯惟益封六百戶今連

洲湟水上有伏波將軍廟蓋報功也蘇通志南越自三代不曾有秦雖遠通置吏旋復爲

邳離始開九郡蘇軾伏波廟記宋宣和中詔封忠烈王李綱武庫記祀名宦

楊僕宜陽人以千夫爲吏稍遷至主爵都尉列爲九卿及伐南越又拜爲樓船將軍以摧

鋒却敵有功元鼎六年三月乙酉將梁侯黃通志祀名宦

孫豹會稽人父幸武帝末爲珠崖太守調廣幅布獻之蠻不堪役遂攻郡殺幸於是豹合率善人還復破之自領郡事討擊餘黨連年乃平豹遣使封還印綬上書言狀制詔即以豹爲珠崖太守威政大行獻命歲至

黃通志○關廣幅布謂取而增其幅也漢志大人繡布一疋小口二丈謂之寶布則此恐即寶布而幸歲其幅耳○阮

志按率善官名漢晉時西南夷及南蠻皆置率善長率善人者率善長所率之衆也 記名宦

馬援字文淵扶風茂陵人也輔光武中興爲虎賁中郎將建武十七年交趾女子徵側與女弟徵貳反寇略嶺外六十餘城於是璽書拜援伏波將軍遂緣海而進隨山刊道千餘里十八年軍至浪泊山上與賊戰大破之明年正月斬徵側徵貳傳首洛陽封援爲新息侯進擊餘黨嶠南悉平立銅柱爲漢之極界往來南海撫定珠崖調立城郭置井邑立珠崖縣二十年秋振旅還京師

黃通志

時世祖初平天下民勞厭兵方閉玉關謝西

域况南荒何足以辱王師非新息苦戰則九郡左衽至今矣

蘇軾伏波廟記

宋宣和中詔封佑

順王

李嗣威武廟記

後雷瓊二郡多祀路博德及援爲伏波將軍祠迄今不廢

就通志

記名宦

儻尹丹陽人舉孝廉爲郎需次京師永平十七年春二月儻耳慕義貢獻是時甘露頻降樹枝內附公卿百官皆以爲祥瑞顯應徵在遠人乃集朝堂稱觴上壽適張純子奮嬰

武始侯來朝亦與焉尹從奮引見便殿應對合旨顯宗奇尹才美因拜尹儋耳太守尹至郡敷政未久下詔擢爲交趾刺史還至珠崖戒勅官吏毋貪珍賂勸諭其民毋鑊面煩以自別於峒俚雕題之習自是日變建初中以尹能匡俗信民厚加賞賜遷武陵太

守黃通志祀名宦

三國吳

聶友字文悌豫章人也少以才譔錄爲縣吏虞翻與語而奇焉至都諸葛恪遂與友善孫權將圖珠崖恪薦友爲珠崖太守詔加友將軍與校尉陸凱同往執馘奏捷留友治之友慮師久致疫簡其精銳自衛餘先遣還權大悅徵爲丹陽太守黃通志祀名宦

陸凱字敬風吳郡人丞相遜族子赤烏中除儋耳太守同將軍聶友討珠崖斬獲有功遷建武校尉拜偏將軍封都鄉侯孫皓立累遷左丞相建衡元年疾篤皓遣人問所欲言凱陳樓元賀邵張悌膝脩及族弟喜抗皆社稷之楨幹也後俱以忠節聞同祀名宦

隋

譙國夫人馮浟氏北燕馮宏之後高涼太守馮寶之妻也幼賢明能行軍用師壓服諸越

海南僧耳歸附者千餘峒歐陽紇謀反夫人發兵拒境紇徒潰散以功封其子僕信都侯加平越中郎將轉石龍太守洗封石龍郡太夫人陳國亡隋文帝遣總管韋洗安撫嶺外夫人知陳亡集首領數千人盡日慟哭乃遣其孫魂率衆迎洗嶺南悉定表魂爲儀同三司贈實爲廣州總管洗封譙國夫人開皇十一年番禺總管趙訥貪虐諸俚獠多有亡叛敕委夫人招慰夫人親載詔書自稱使者歷十餘州宣述上意諭諸俚獠所至皆降文帝賜夫人臨振縣湯沐邑一千五百戶贈僕爲崖州總管平原郡公仁壽初譙國夫人卒諡曰誠敬夫人

北史譙國夫人傳

記名宦

唐

王義方泗州漣水人孤且窶學母謹甚淹究經術補晉王府參軍直宏文館素善張亮亮抵罪義方貶儋州吉安丞

黃通志

行至海南舟人將以酒脯致祭義方曰黍稷非馨義在

明德酌水而祭爲文曰思帝鄉而北顧望海浦而南浮必也行愆諸己義負前修長鯨擊水天吳覆舟有如因忠獲戾以孝見尤四維靡氛千里安流靈應如響無作神羞時當盛夏風濤蒸毒既而開霽南渡吉安蠻俗荒梗義方召諸首領更生徒親爲講經行

釋奠之禮清歌吹簫登降有序蠻酋大喜貞觀二十三年改授洹水丞時張亮兄子皎配流在崖州依義方而卒臨終託以妻子及致屍還鄉舊唐書本傳義方許之以皎妻少故與之誓於神使奴負柩輓馬載皎妻身步從之既葬皎原武歸妻其家而告亮墓乃去

洹水遷雲陽丞黃通志 祀名宦

韓瑗字伯玉京兆三原人仲良之子少負節行博學曉吏事累遷黃門侍郎同中書門下三品高宗將立武氏廢王皇后幽之瑗再三力諫悲泣不能自勝帝大怒促令引出尋而尚書左僕射褚遂良復忤旨左授潭州都督瑗又上疏理之竟不見聽瑗憂憤表歸田里不報顯慶二年許敬宗李義府希武氏旨奏瑗與遂良潛謀不軌坐貶振州刺史至州謹默泣踰年本年五十四明年長孫無忌死義府等復奏瑗與無忌通謀上遣使殺之既至瑗已死發棺驗視乃還神龍元年詔復瑗官爵黃通志 祀名宦

宋慶禮洛州永平人舉明經授衛縣尉則天時遷大理評事充嶺南採訪使時嶽振五州首領更相侵掠荒俗不安從前使者至輒苦瘴癘莫敢往慶禮躬至其境詢問風俗諭首領以大義皆釋讐相親州士於是安堵遂罷鎮兵五千人舊唐書良吏傳 歷監察侍御史以

習議邊事爲度支營田使兼營州都督卒贈工部尙書慶禮爲政嚴而少私吏畏威不敢犯太常博士張星以好巧自是諡曰事禮部員外郎張九齡申駁曰慶禮國勞臣在邊郵三十年往城營州士纔數千無甲兵彊衛指期而往不失所慮遂罷海運收歲儲邊亭晏然其功可推不當醜諡改諡曰敬

黃通志 記名宦

杜佑字君卿京兆杜陵人累官戶部侍郎判度支建中初河朔用兵佑上議言救弊莫若省用省用則省官盧杞當國惡之出爲蘇州刺史改饒州俄遷御史大夫嶺南節度使佑至廣爲開大衛疏析墜閑以息火災朱厓黎氏三世保險不賓佑討平之召拜尙書右丞復相德宗年老以光祿大夫守太保致仕元和七年卒贈太傅諡曰安簡佑資嗜學雖貴猶夜分讀書先是劉秩據百家傲周六官法爲政典二十五篇佑以爲未盡因廣其闕參益新禮爲二百篇名曰通典奏之優詔嘉美儒者服其書約而詳爲人平易遜順與物不違忤天性精於吏職爲治不瞰察其政行足稱云

黃通志 記名宦

李復字初陽隴西人以廩累官州刺史遷廣州刺史兼御史大夫嶺南節度觀察使勸導百姓令變茅屋爲瓦舍

舊唐書李肅傳

瓊州久陷於蠻獠貞元初復累遣使諭之仍遣兵剿其

元惡五年收復瓊州因奏置瓊州都督府以撫綏其民疏言瓊州本隸廣府管內乾封
年山峒草賊反叛遂茲淪陷至今一百餘年臣等判官姜孟京崖州刺史張少逸併力
討除今已收復舊城且令降人權立城廂竊以瓊州控壓賊峒請昇爲下都督府加瓊
崖振像萬等五州招討遊奕使其崖州都督請停從之遂教民陶瓦爲屋以免颶風之
患復曉於政道所在稱理徵拜宗正卿累加檢校尙書左僕射卒贈司空黃通志 記名宦
章執誼京兆人幼有才進士及第對策異等授右拾遺順宗朝爲尙書右丞同中書門下
平章事永貞元年憲宗受內禪坐王叔文黨貶崖州司戶參軍嘗攝郡事按李肇國史補
崖州差故相韋

執誼攝州事銜推亦有其文
非若今時只以吏隨行遣

舊宰相謫外鮮留心政理執誼臨民惟謹黃通志

始未顯時不喜人

言嶺南州縣旣爲郎嘗詣職方觀圖至嶺南輒瞑目命左右撤去及爲相所坐堂有圖
不就省旣易旬試觀之崖州圖也以爲不祥惡之果貶死新唐書
本傳 因家瓊山著有規誥

貽於世舊志 記名宦

趙昌字洪祚天水人李承昭爲昭義節度辟昌在幕府貞元七年爲虔州刺史屬安南都
護爲夷獠所逐拜安南都護夷人率化十年因屋壞傷脛懇疏乞還以檢校兵部郎中

裴泰代之

舊唐書本傳

入爲翰林祭酒未幾安南州將逐裴泰德宗召昌問狀時年踰七十

占對精明帝奇之復拜安南都護詔書至人相賀叛兵卽定憲宗初立詔加昌檢校戶部尙書遷檢南節度使降輯陬荒瓊管備崖振萬安等州峒俚來歸爲圖以獻往來鯨海撫安備至夷寇無復侵掠瓊人尤德之以勞徙節荆南召入再遷工部尙書兼大理卿遷太子少保卒贈揚州大都督諡曰成黃通志祀名宦

李德裕字文饒真定贊皇人初爲翰林學士凡詔令典冊多出其手敬宗遊幸無常昵比小人視朝月不再三德裕時爲浙西觀察使獻丹戔六箴優詔答之文宗已酉秋徵爲兵部侍郎庚戌十月轉西川節度使至鎮作籌邊樓圖蜀地形日召習邊事者訪以險要未閱月皆若身歷乃練士卒葺保障積糧儲以備邊蜀人相安因索南詔所掠百姓得四十人辛亥十月吐蕃維州副使悉怛謀來降德裕遣兵入踞其城具狀上之下尙書省集議皆如德裕策上聽牛僧孺說不受事竟沮壬子十一月入爲兵部尙書癸丑二月進同平章事時朋黨愈盛邪正混淆未幾出爲山南西道節度使自陳願留又爲兵部尙書尋復爲鎮海節度使庚申九月又爲門下侍郎同平章事武宗癸亥四月德

裕請討澤潞算無遺策功成加太尉贈衛國公丙寅三月宣宗即位朝罷謂左右曰
適過我非太尉耶每顧我使我毛髮灑淅於是以德裕同平章事充荆南節度使執政
白敏中竭力排之以爲太子少保分司尋貶潮州司馬戊辰九月再貶睦州司戶賈大志
中三年正月方達珠崖郡十二月卒年六十三德裕以德業自負特達不羣好著書爲
文獎善嫉惡位極台輔而讀書不輟雖倉皇顛沛之中猶留心著述雜序數十篇號曰
窮愁志阮通志懿宗咸通元年冬十月拾遺劉業言德裕父子爲相歷著功績竄逐以來
血屬將盡宜賜哀憫詔追復官爵贈左僕射賈志祀名宦

張勳饒州德興人宣宗日謂宰臣曰宜擇文武儒臣爲河南節度掌書記遂以勳對引見
於思政殿吐蕃賀繼部落犯邊堡鵬率數千騎敗之上嘉賜朱衣金魚懿宗立表爲瓊
管五州招討使知瓊州軍州事甚有威惠被薦入爲羽林金吾二將軍屬蠻人渡瀘鵬
疏溪洞請狀攻守備用尋拜嶺南西道節度使賈志祀名宦

宋

周仁浚汝南人開寶間初平嶺南以仁浚知瓊州既至疏薦漢舊官路崇瓌等四人列上

分知儋崖振萬安四州因俗而治綽有政績祀名宦

黃通志

後居上邕

李崇矩字守則潯州上黨人太平興國中由邕賞得賓橫欽六州都巡檢使移瓊肆儋島四州都巡檢使麾下軍士咸憚於行崇矩盡出器皿金帛凡直數百萬悉分給之衆乃感慨黎賊擾動崇矩悉抵其峒穴撫慰以已財遺其酋長衆皆懷附在嶺南四五年恬不以炎荒嬰慮舊涉海多楫舟俟便風或旬餘或彌月崇矩往來皆一日而渡未嘗留滯士卒僮僕隨在皆無恙代還拜右千牛衛上將軍端拱元年卒贈太尉諡元靖

黃通志

祀名宦

張岐字邵卿崇安人眞宗朝以秘書丞知瓊州瓊俗悍朴牧守御得其道則歲時以香蠟魚果爲獻否則群起爲盜岐鎮以清淨却饋獻民夷服其廉介其地多颶風能拔屋盛夏猶寒岐教以立屋之法稍免其患後倖曹州移瀛州

黃通志

祀名宦

宋守之不傳籍貫慶歷間知瓊州教諸生讀五經於先聖廟建尊儒閣暇日親爲講授置

學田以資膏火由是州人始知好學

蘇通志

祀名宦

杜杞字偉長京兆人慶歷中爲廣西轉運使時區希範寇破瓊州杞以計攻破之遂復瓊

州因伏兵擒諸蠻寇六百餘人尋得希範隨之海南遂平終瓊慶經畧安撫使杞性强
記博覽書傳通陰陽術數之學自言吾年四十六死矣未幾卒有奏議十二卷黃通志 祀
名宦

陳堯叟字唐文蜀之閬州人解褐光祿寺丞遷秘書丞再遷工部員外郎廣南西路轉運
使先是歲調雷化高藤容白諸州兵使輦軍糧汎海給瓊州其兵不習水利率爲沉溺
咸苦之海北岸有還角場正與瓊對伺風便一日可達與雷化高太平四州地水路接
近堯叟因規度移四州民租米輸於場第令瓊州遣蠻兵具舟自領人以爲便代還加
刑部員外郎充度支判官會撫水蠻酋殺使臣擾動命堯叟爲廣南東西兩路安撫使
賜金紫遺之事平遷兵部拜主客郎中後拜右僕射卒贈侍中諡曰文忠黃通志 祀名宦
胡則字子正婺州永康人以進士起家爲京西轉運使遷禮部郎中徙廣南西路轉運使
有番舶遭風至瓊州且告食乏不能去則命貸錢三百萬吏白夷人狡詐又風波不可
測則曰彼以急難投我可拒而不與耶已而償所貸如期後徙杭州再遷兵部侍郎致
仕卒黃通志 則喜交結尙風義丁謂貶崖州賓客隨散落獨則閒遣人至海上饋問如平

日阮通志 祀名宦

李思純歸善人皇祐五年以三禮出身歷官朝奉郎知封州遷瓊州安撫使有遺愛於民士大夫頌之阮通志

李時亮廣西博白人嘉祐中舉進士累官知廉州有治聲嘗獻平南十策及疏時政得失神宗嘉之官檢校散騎常侍御史大夫亮善屬文尤長於詩與陶弼廣和號李陶集黃通

志 元豐中管帥奏請頒賜書籍及修鄧學創御書閣教士卓有政聲賈志 祀名宦

朱初平爲體量安撫使元豐中海南四州軍稅籍殘缺更多增損輒移稅入他戶代輸者類不能明瓊州昌化軍丁稅米歲移輸珠崖軍道遠民以爲苦至是用初平等議根括四州軍稅賦舊額存其正數二州丁稅米止令輸錢於珠崖軍自糴以便民瓊崖諸州如瓊山等縣感恩英由等場棚其地荒阻賣鹽不售類配押衙前前後官此者或擅增鹽數煎鹽戶力不給有破產者元豐三年初平奏蠲鹽之不售者又約所賣數定爲煎額以惠遠民黃通志 祀名宦

張頴字仲舉其先金陵人徙鼎州桃源第進士累遷廣東轉運使徙雲西轉運使罷歸未

幾以直集賢院進直龍圖閣知桂州時有獻言者謂海南黎人陳被蓋五峒酋首異時
盛強且爲中國患今請出兵自効宜有以撫納之命頡處其事頡使一介往呼之出補
以牙校詔問何賞之薄對曰荒微蠻蠻無他覲得是足矣尋罷兵海外訖無事

阮通志

蘇軾字子瞻眉州眉山嘉祐二年進士累官禮部尙書兼端明殿翰林侍讀學士紹聖

中忤章惇蔡卞於是御史論軾掌內制日所作詞命譏斥先朝三貶至瓊州別駕昌化
軍安置

賈志

到昌化軍謝表四月十七日奉被告命資授臣瓊州別駕昌化軍安置臣尋

於當月十九日起離萬州至七月二日已至昌化軍訖者

表見藝文

昌化故儋耳地非人所

居藥餌皆無有初僦官屋以居有司猶謂不可軾遂買地築屋

宋史本傳

寓城東之天慶

觀結桃榔庵以居儋人運甓畚土助之

賈志

平生忠義耿介不容於朝自黃而惠由雷至

儋冒風濤犯瘴癘留滯爲久然忠君愛國之心屢形章牘非人之所能也儋僻在海隅

黎蠻雜處獨與幼子過以輪墨琴書自娛閒以尋幽覽勝爲事有黎許二氏者日相親

灸戰酒過從問奇請益當時人皆化之文學至今而盛郡守張中尤加禮敬爲築堂潤

上以爲往來遊息之所名之曰載酒時復觴詠其間豈拘拘惟蠅葉是務哉殆謂此以

寄羈思耳在儋四年被召內遷徐智載酒堂記徽宗立移廉州改舒州團練副使徙永州建中靖

國元年卒於常州阮通志祀名宦

張中紹聖間知昌化軍與蘇東坡善爲構載酒堂解官北歸東坡作詩送之蕭志

周因字興道浦城人紹聖四年進士除知瓊州民陳韜焚澄邁臨高二縣憲司議招降因

力爭不得後果再叛因討平之官至中大夫致仕阮通志

古革字仲通梅州人今嘉應州紹聖間進士教授瓊州訓士不倦峒蠻多遣子弟受學會黎人

叛郡檄入峒布諭蠻俗素知敬革遂率服狀聞於朝擢守潮州官至五品阮通志

郭煜政和中知瓊州乞置澄邁西峯臨高定南兩寨以掩阻俚人由是道路無梗時稱能

吏也黃通志祀名宦

郭汝賢字舜卿浦城人元符三年進士出知瓊州黎蠻叛汝賢遣兵據要地前後掩獲降

其酋海上安堵以功增秩阮通志

張大年浦城人政和五年進士周因帥廣西辟爲經畧司治平蠻獠通判瓊州海寇陳韜

等聞其威畧率衆來降後知韶州卒於官同上

張書言番禺人元符三年進士及第初爲廣東市舶提舉後遷朝議大夫瓊繞安撫大使所至皆有惠政嘗立弓箭社不論家業高下戶出一人乃自相推擇家資武藝爲衆所服者爲社頭次爲社副有警卽率弓箭手以備戰啊俚畏之

阮通志

虞沈會稽人紹興二年知瓊州以瓊隔海洋民摸鮮得上達吏無顧忌民苦侵漁此歷代積弊乃上請不禁越訴仍乞敕監司按治重行責罰數年之間積弊頓除民得安生

黃通

志祀名宦

李諤廣州番禺人建炎二年進士紹興間瓊管安撫使時州城甚隘許益作亂郭外民居

多被焚掠諤乃築外羅城州人賴之

嘉瑞志

祀名宦

吳羣字無黨番禺人紹興壬戌進士以員外郎通判瓊州

嘉瑞志作守瓊州

時海盜竊發羣出俸

資立城堡以禦之黎峒爲亂羣單騎往諭遂輯兵歸耕先是李諤築外羅城羣至是加完整弭盜恤民政聲與諤埒瓊人歌之曰前有李君今見吳瓊管保障皆番禺民之父母邦之樞羣尤廉慎未嘗一介取於民終朝奉耶

阮通志

祀名宦

鄧酢字賓禮始興人少穎悟紹興初詣闕上書召試授官知虔化縣權知梅州安撫瓊州

親擒叛首戮之他峒俚望風震懼海南帖然除廣西運判

同上

韓璧粵之長樂人淳熙間爲瓊管帥出入阡陌勞來不倦期年化成黎人感慕願供田稅

黃通志嘗修郡學朱子爲之記郡志祀名宦

周鄭字其父海陵人淳熙中知吉陽軍寬平御下淳熙丁未給錢重修州學嘗遣熟黎入

諭招撫得生黎五十餘峒每遇寅酉出城市貿易酷愛出水尋訪洞天作磨崖石船記

至今猶傳黃通志祀名宦

湯鶯將樂人紹興中武舉狀元授瓊州路萬安軍時南洞王利學叛討平之諸黎暫服民

立祠以祀阮通志

趙絳淳熙初知萬安軍黎人王集結兆多囊三峒叛絳如瓊乞師屯賊衝未幾勦平三峒

同上

王介保昌人慶元中瓊筦峒寇掠鄉村逼城下介遂奮勇擣其前鋒卻之以功擢武德

將軍御題賜旗云海外四州都安撫使

同上

崔與之字正子增城人紹興四年進士授潯州司法參軍擢賓州軍州事特授廣西提點